



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

25 մայիսի 2023 թվականի N 809 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2020 ԹՎԱԿԱՆԻ  
ՓԵՏՐՎԱՐԻ 13-Ի N 171-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ  
ԿԱՏԱՐԵԼՈՒ ՄԱՍԻՆ

---

Հիմք ընդունելով «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածները՝ Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2020 թվականի փետրվարի 13-ի «Հայաստանի Հանրապետությունում օրենքով սահմանված կարգով անհատ ձեռնարկատեր չհանդիսացող ֆիզիկական անձանց կողմից Հայաստանի Հանրապետություն ներմուծվող ապրանքների ակնհայտ առևտրային չափաքանակներն ու ներմուծման հարկային հայտարարագիր ներկայացնելու և անուղղակի հարկերի վճարումն իրականացնելու պարտավորության վերաբերյալ ծանուցման օրինակելի ձևը սահմանելու և Հայաստանի Հանրապետության կառավարության 2015 թվականի հուլիսի 30-ի N 865-Ն որոշումն ուժը կորցրած ճանաչելու մասին» N 171-Ն որոշման (այսուհետ՝ որոշում) մեջ կատարել հետևյալ փոփոխությունները.

1) որոշման վերնագրից հանել «ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ ՕՐԵՆՔՈՎ ՍԱՀՄԱՆՎԱԾ ԿԱՐԳՈՎ» բառերը, իսկ «ԱՆՁԱՆՑ ԿՈՂՄԻՑ» բառերից հետո լրացնել «ԿԱՄ ՆՐԱՆՑ ՀԱՍՑԵՈՎ» բառերը.

2) որոշման նախաբանում «Հայաստանի Հանրապետության օրենքի 249-րդ հոդվածի 6-րդ» բառերը փոխարինել «օրենքի 174-րդ հոդվածի 11-րդ» բառերով.

3) որոշման 1-ին կետից և 2-րդ կետից հանել «Հայաստանի Հանրապետությունում օրենքով սահմանված կարգով» բառերը, իսկ «անձանց կողմից» բառերից հետո լրացնել «կամ նրանց հասցեով» բառերը.

4) որոշման 5-րդ կետում «2106909200, 2106909803, 2106909809» բառերը փոխարինել «2106 90 930 0, 2106 90 980 3, 2106 90 980 8» բառերով.

5) որոշմամբ սահմանված N 1 հավելվածը շարադրել նոր խմբագրությամբ՝ համաձայն N 1 հավելվածի.

6) որոշմամբ սահմանված N 2 հավելվածը շարադրել նոր խմբագրությամբ՝ համաձայն N 2 հավելվածի:

2. Սույն որոշումն ուժի մեջ է մտնում պաշտոնական հրապարակմանը հաջորդող տասներորդ օրվանից:

3. Սույն որոշման N 1 հավելվածի «8703» տողի կիրառման նպատակով՝ 2023 թվականի համար հարկային տարի է դիտվում սույն որոշման ուժի մեջ մտնելու օրվանից մինչև 2023 թվականի դեկտեմբերի 31-ն ընկած ժամանակահատվածը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՓՈԽՎԱՐՉԱԳԵՏ  
Երևան

Տ. ԽԱՉԱՏՐՅԱՆ